

## EZĒRA

### *Sirusu Isarailanɔ gbarɛnaa*

<sup>1</sup> Pesianɔ kína Sirusu kíblena wè káaku gūn Dikiri té kàagu de yā kū à dà Ilimianɛ à ò ke yāi. Akū Sirusu kpàkpaa kè a bùsun pínki, gbasa à kè takadan à pì:

<sup>2</sup> Yā kū makū Sirusu, Pesianɔ kína ma òon dí. Dikiri Luda Musude tò andunia kpata sīnda pínki gò ma pò ũ, akū à ma dite mà kpé boare Yurusalemu, Yudanɔ bùsun.

<sup>3</sup> Gbè kū à de a gbè ũ á té, Luda gō kú kãao à tá Yurusalemu, Yudanɔ bùsun, à kpé bo Dikiri Isarailanɔ Luda kū à de Dikiri ũ Yurusalemune gwe.

<sup>4</sup> Ní gbè kū ò gò pìnɔ gbèdakenɔ kpányĩ kū andurufuuo kū wuraaoo kū aruzekeno kū pókãdeno kū Luda kpé kū òten gé bo Yurusalemu gbanɔ.

<sup>5</sup> Akū Yudanɔ kū Biliaminunɔ ɔmbedeno kū sa'orinɔ kū Levinɔ kū gbè kū Luda té kàngunɔ fùte, òten gé Dikiri kpé bo Yurusalemu.

<sup>6</sup> Ní gbèdakenɔ ɔ dàmma ò ní gbá andurufu pónɔ kū wura pónɔ kū aruzekeno kū pókãdeno kū pò ɔɔdeno kū Dikiri kpé gbanɔ pínki.

<sup>7</sup> Akū Pesianɔ kína Sirusu bò kū Dikiri kpé pò kū Nebukanɛza sète yā zaa Yurusalemu à kàte a tãna kpé gūnnɔ.

<sup>8</sup> À pì a ɔɔ'uteri Mitiredane à pò pìnɔ naro à kpá Yudanɔ kína Sesebazaa, akū à kè le.

<sup>9</sup> Pò pìnɔ dasi lén dí:

Wura ta baraaakuri,  
 andurufu ta wàa sɔɔro,  
 tire baraaakuri donsari,  
<sup>10</sup> wura toko baraaakuri,  
 andurufu toko wàa pla kũ kuriio,  
 ta buri pāndenɔ wàa sɔɔro.

<sup>11</sup> Wura kũ andurufu tanɔ fùte pínki mèn dúbu  
 sɔɔro kpé wàa pla. Kũ zìzɔɔ pìnɔ b̀̀te Babilɔnu ò sù  
 Yurusalemu, akũ Sesebaza sù kũ pìnɔ pínki.

## 2

### *Zìzɔ kũ ò sùnɔ*

<sup>1</sup> Babilɔnu kína Nebukanεza Isarailanɔ kũkũ zìzɔ  
 ũ à tà kũnwo Babilɔnu yā, akũ n̄ gbēkenɔ b̀̀ zìzɔke  
 pìn ò sù Yurusalemu, Yudanɔ b̀̀sun sà, akũ n̄ baadi  
 tà wēte.

<sup>2</sup> N̄ don'arēdenɔn dí: Zerubabeli, Yesua,  
 Nεemaya, Seraya, Relaya, Mɔdekai, Bilisā, Misipa,  
 Bigivai, Reumu kũ Baanao. Isaraila g̃gbē kũ ò  
 sùnɔ dasi lén dí.

<sup>3</sup> Parɔsu burinɔ gbēnɔn dúbu pla kũ mèn  
 basɔraakɔ akuri awεεplao.

<sup>4</sup> Sefatia burinɔ gbēnɔn wàa do kũ mèn basɔraakɔ  
 akuri awεεplao.

<sup>5</sup> Ara burinɔ gbēnɔn wàa aakɔ kũ mèn bakēndo  
 sɔɔrosario.

<sup>6</sup> Pamɔabu buri kũ ò de Yesua kũ Yoabuo burinɔ  
 ũnɔ gbēnɔn wàa g̃ero donsari kũ kuri awεεplao.

<sup>7</sup> Elamu burinɔ gbēnɔn wàa suddo kũ mèn bupla  
 akuri awεεsiikɔ.

<sup>8</sup> Zatu burinɔ gbēnɔn wàa siikɔ kũ mèn basuppla  
 awεεsɔɔroo.

<sup>9</sup> Zakai burinɔ gbēnɔn wàa aakɔ kũ mèn  
 basɔraakɔ.

10 Bani burinɔ gbɛ̃nɔn wàa aakɔ̃ kũ mèn bupla awɛɛplao.

11 Bebai burinɔ gbɛ̃nɔn wàa aakɔ̃ kũ mèn baro awɛɛ'aakɔ̃.

12 Azagada burinɔ gbɛ̃nɔn wàa suddo kũ mèn baro awɛɛplao.

13 Adonikamu burinɔ gbɛ̃nɔn wàa aakɔ̃ kũ mèn baaakɔ̃ awɛɛsuddoo.

14 Bigivai burinɔ gbɛ̃nɔn wàa kuri kũ mèn bupla akuri awɛɛsuddoo.

15 Adini burinɔ gbɛ̃nɔn wàa pla kũ mèn bupla akuri awɛɛsiikɔ̃.

16 Ata burinɔ gbɛ̃nɔn basɔɔro plansari.

17 Bezai burinɔ gbɛ̃nɔn wàa do kũ mèn basuddo awɛɛ'aakɔ̃.

18 Yora burinɔ gbɛ̃nɔn basɔɔro akuri awɛɛpla.

19 Asumu burinɔ gbɛ̃nɔn wàa do kũ mèn baro awɛɛ'aakɔ̃.

20 Giba burinɔ gbɛ̃nɔn basiikɔ̃ akuri awɛɛsɔɔro.

21 Bɛtilihamudenɔ gbɛ̃nɔn basuddo awɛɛ'aakɔ̃.

22 Nɛtofadenɔ gbɛ̃nɔn bupla akuri awɛɛsuddo.

23 Anatodenɔ gbɛ̃nɔn basuddo akuri plansari.

24 Azamavɛdenɔ gbɛ̃nɔn bupla awɛɛpla.

25 Kiriayarimudenɔ kũ Kɛfiradenɔ kũ Berodenɔ gbɛ̃nɔn wàa aakɔ̃ kũ mèn basuppla awɛɛ'aakɔ̃.

26 Ramadenɔ kũ Gɛbadenɔ gbɛ̃nɔn wàa aakɔ̃ kũ mèn baro awɛɛdoo.

27 Mikimasadenɔ gbɛ̃nɔn basuddo awɛɛpla.

28 Bɛtɛlidenɔ kũ Aidenɔ gbɛ̃nɔn wàa do kũ mèn baro awɛɛ'aakɔ̃.

29 Nɛbodenɔ gbɛ̃nɔn bupla akuri awɛɛpla.

30 Magbisidenɔ gbɛ̃nɔn basuppla akuri awɛɛsuddo.

31 Elamu pānde burinɔ gbēnɔn wàa suddo kū mèn bupla akuri awεεsiikɔ.

32 Arimu burinɔ gbēnɔn wàa do kū mèn basuddo.

33 Lodudenɔ kū Adididenɔ kū Onɔdenɔ gbēnɔn wàa aakɔ kū mèn basuddo awεεsɔɔroo.

34 Yerikodenɔ gbēnɔn wàa do kū mèn basuppla awεεsɔɔroo.

35 Senadenɔ gbēnɔn wàa baro plansari kū mèn baraakurio.

36 Sa'ori buri kū ò sùnɔn dí:

Yesua buri Yedaya burinɔ gbēnɔn wàa siikɔ kū mèn basɔraakɔ akuri awεε'aakɔ.

37 Ima burinɔ gbēnɔn wàa sɔɔro kū mèn bupla akuri awεεplao.

38 Pasu burinɔ gbēnɔn wàa suddo kū mèn bupla awεεsupplao.

39 Arimu burinɔ gbēnɔn wàa sɔɔro kū mèn gēro awεεplao.

40 Levi kū ò sùnɔn dí:

Odavia buri Yesua kū Kadamielio burinɔ gbēnɔn baaakɔ akuri awεεsiikɔ.

41 Asafa buri lèsirinɔ gbēnɔn basuddo akuri plansari.

42 Zédákpāri kū ò de Salumu kū Atao kū Talamɔo kū Akubuo kū Atitao kū Sobaio buri ũnɔ gbēnɔn basuppla donsari.

43 Gbē dínɔ burinɔ mé ò Luda ɔn zĩkerinɔ ũ:

Zia, Asufa, Tabao,

44 Kerosu, Sia, Padɔ,

45 Lebana, Agaba, Akubu,

46 Agabu, Salamai, Anana,

47 Gideli, Gaa, Raya,

48 Rezĩ, Nεkoda, Gazamu,

49 Uza, Pasea, Besai,

50 Asana, Meunimu, Nefusimu,

51 Bakabuku, Akufa, Aru,

52 Bazalu, Meida, Asa,

53 Bakosi, Sisera, Tema,

54 Nezia kũ Atifao.

55 Sulemanu zòbleri dínɔ burinɔ mé ò bò zìzɔken ò sù:

Sotai, Asoferε, Peruda,

56 Yala, Daakɔ, Gideli,

57 Sefatia, Atili, Pɔkerε Azebaimu kũ Amio.

58 Luda ɔn zìkerii pìnɔ kũ Sulemanu zòblerii buri pìnɔ kà gbēnɔn wàa do kũ mèn bakēndo akuri awεεplao.

59 Gbēkenɔ bò Telemela kũ Telasao kũ Kerubuo kũ Adɔo kũ Imao, akũ odi le ò n buri bozire óne kũ Isarailanɔme n ũro.

60 Delaya kũ Tobiao kũ Nekodao burinɔme, ò kà gbēnɔn wàa aakɔ kũ mèn bupla akuri awεεplao.

61 Sa'ori buri kũ ò de Obaya kũ Akozuo kũ Bazilaio burinɔ ũ sù dɔ. Bazilai pì Giliada bùsu gbē Bazilai né sè yā, akũ à a anzure pì tó sè.

62 Gbē pìnɔ n tó wète buri bozire takadan, ama odi boaro, akũ ò gínne kũ sa'orikεo.

63 Bùsu don'arede pínne, tó adi ke sa'ori n yā gwà kũ Urimuo kũ Tumimuo baasiro, òsun sa'opɔ blero.

64 Gbē pìnɔ n pínki gbēnɔn dúbu bupla awεεpla kpé wàa do kũ basɔraakɔome.

65 N zòbleri gōgbēnɔ kũ nōgbēnɔ kun dɔ gbēnɔn dúbu suppla kpé wàa do kũ basuddo akuri awεεsupplao. Lèsirinɔ gōgbē kũ nōgbēo kú kũnwo dɔ gbēnɔn wàa do.

66 Ò s̄s̄ vī mèn wàa aak̄s̄ k̄ū mèn basuddo akuri awɛɛsuddoo, baragbās̄s̄ wàa do k̄ū mèn bupla awɛɛsɔɔroo,

67 lakumi wàa pla k̄ū mèn baraakuri awɛɛsɔɔroo, zaaki dúbu suddo kpé wàa aak̄s̄ k̄ū basuddo.

68 K̄ū ò kà Dikiri kpé bokia Yurusalemu, ń ɔmbedenɔ gba dà, de ò le ò Luda kpé keke ò boo a gbèn.

69 Ò gba dà kpé zīɔgɔditeki gūn ń gbāna lén, wura kiloo wàa pla kpé basɔɔro, andurufu tɔn aak̄s̄ k̄ū sa'ori gyabanɔ basɔɔro.

70 Sa'orinɔ k̄ū Levinɔ k̄ū lèsirinɔ k̄ū zédākparinɔ k̄ū Luda ɔn zīkerinɔ k̄ū gbē kpara kenɔ vùte vute lakutu k̄ū ò kèkèñnenɔ gūn, ak̄ū Isaraila kparanɔ vùte ń wētenɔ gūn.

### 3

#### *Dikiri gbagbaki bonaa*

1 K̄ū wè mɔ supplade kà, Isarailanɔn vutena ń wētenɔ gūn, ak̄ū ò k̄s̄ kàkara Yurusalemu gbē dok̄nɔnɔ ũ.

2 Yozadaka né Yesua k̄ū a sa'ori dakenɔ k̄ū Sealatieli né Zerubabelio k̄ū a gbēnɔ Isarailanɔ Luda gbagbaki bò, de ò sa'opɔ k̄ū òdi ká tén à té k̄ū oa lákū Luda gbē Musa ò a doka gūn nà.

3 Bee k̄ū òten vīna ke gbē k̄ū ò kú būsuu pìi gūnnɔne, ò gbagbaki pìi bò a gbèn, ak̄ū ò sa'opɔ k̄ū òdi ká tén à té k̄ū ò Dikiria kɔnkɔ k̄ū ɔkɔsio.

4 Ò Kutadɔna dikpe kè lákū à kú takada gūn nà, òdiḡs̄ sa'opɔ k̄ū òdi ká tén à té k̄ū o lákū gu dīḡs̄ dɔ nà lákū ò a lé dìte nà.

<sup>5</sup> Abire gbera ò sa'opò kù òdigò ká tén à té kù gòrò sīnda pínki ò kù mò dufu pòo kù dikpe kù Dikiri dìtenò pòo kù gba kù òdi suoneno.

<sup>6</sup> Mò supplade gòrò káaku zīn ò nà Dikiri gbagbanaa lɛ, bée kù odi a kpé bo kòro.

<sup>7</sup> Ò gòrò kpà gbè'arinò kù lí'arinò, akù ò pòble kù pómīnao kù nísio kpà Sidōdenò kù Tayadenò, de ò sida lí zōzō Lɛbana bùsun ò yīyī ò géo ari Yòpa funa ísirala, lákù Pesianò kína Sirusu n̄ gbá zé nà.

<sup>8</sup> N̄ kana Luda kpé bokia Yurusalemu wè plade mò plade gūn, Sealatieli né Zerubabeli kù Yozadaka né Yesuao nà zīa kù n̄ gbē kparano, sa'orino kù Levinò kù gbē kù ò bò zīzòken ò sù Yurusalemunò n̄ pínki. Ò Levi kù ò kà wè baro ke kù ò dealano dìte Dikiri kpé zī pì gbē zōkōnò ũ.

<sup>9</sup> Yesua kù a burino nàkōa kù Kadamielio kù a né Odavia burino, akù ò gò zī pì gbē zōkōnò ũ kù Enadadao kù a burino. Levinòme n̄ pínki.

<sup>10</sup> Kù Dikiri kpéborino ten kpé pì ē pète, sa'orino zezé gwe sa'ori pòkasanò dadana, ò n̄ kākākinò kùkūna, akūsō Levi né Asafa burino kù gwe dò kù sègēno de ò Dikiri táaki léo lákù Isarailano kína Dauda dìte yā nà.

<sup>11</sup> Ò lè sì ò Dikiri táaki lè ò a sáabu kpà ò pì:

Dikiri mana,

a gbēke kena ókōnò Isarailanoɛ lakana vīro.

Akù gbē sīnda pínki wiki gbāna lè ò Dikiri táaki lè, kù ò Dikiri kpé ē pète yāi.

<sup>12</sup> Ama sa'ori paride kù Levinò kù bede kù ò zī kù ò wé sì kpé káakulenò, kù ò kpé pì ēbonaa è, ò wēnda sò dò. Gbē kparano sō, òten ponna wiki lé dasi.

13 Gbēke dí ponna wiki dōkōne kū wēnda ó kū òten dōo doró, kū baadi ten wiki gbāna lé yāi, akūsō ò wiki pii mà zā.

## 4

### *Iberesena kū Dikiri kpéborinɔ*

1 Kū Yudanɔ kū Biliaminunɔ iberenɔ mà zìzɔ kū ò sùnɔ ten kpé bo Dikiri Isarailanɔ Ludanɛ,

2 ò sù ò Zerubabeli kū ɔmbedenɔ lè ò pìnnɛ: À tó ò kpé bo kááo, zaakū odi á Luda ki wete lán á bame se. Odigō a gbagbame zaa gɔɔ kū Asirianɔ kína Esaradō sù kūoo la.

3 Akū Zerubabeli kū Yesuao kū Isaraila bede kparanɔ pìnnɛ: Ó Luda kpébona de á yā ũro. Óni ó pɔ bo Dikiri Isarailanɔ Ludanɛ ó tēne lākū Pesianɔ kína Sirusu dítewere ná.

4 Akū būsupidenɔ ten wete ò Yudanɔ nèsese yaka, òten wé tāmna de òsun kpé pì boro yāi.

5 Ò fīna bò kína lédammarinɔne zaa Sirusu gɔɔ ari à gèe pé Pesianɔ kína Dariusu kíblegɔɔa, akū ò gínne kū yā kū òten péaa.

6 Ò takada kè Asuerune kū à kí blè gōnɔ ò gbē kū ò kú Yurusalemunɔ kū Yudanɔ būsuo pínki káara kè a kia.

7 Bisilamu kū Mitiredao kū Tabelio kū n gbē kparanɔ takada kè Pesianɔ kína Ataseseɛne dɔ a kíblegɔɔa. Ó kēne kū Siria yāo, akū ò bòkɔtenɛ.

8 Būsu gbē zōkō Reumu kū a takadakēri Simisaio takada kè kína Ataseseɛne Yurusalemu yā musu dɔ ò pì:

9 Būsu gbē zōkō Reumu kū a takadakēri Simisaio kū n gbē kpara yākpatekerinɔ kū gbānadenɔ



kū Tiripolidenᵛ kū Pesianᵛ kū Ereکیدenᵛ kū Babilᵛnudenᵛ kū Susade kū ò bòte Elamu būsuu gūnnᵛ

<sup>10</sup> kū gbē kū kína zōkᵛ bèereᵛde Asubanipali n̄ bóte n̄ būsun à n̄ vūteᵛvute Samaria wēten kū Yuflati bara la gu pāndenᵛ,

<sup>11</sup> ókōnᵛ Yuflati baraladenᵛ n zòblerinᵛ mé o takada dí kēnne kína Atasese, o pì:

<sup>12</sup> Kína, ñgᵛ dᵛ kū Yuda kū ò bò n kīnaa ò sù lanᵛ gēe òten Yurusalemu wēte vāni pāsī pì káte, ò èra òteni a bīni bo dᵛ, òteni a bezī fute.

<sup>13</sup> Kína, ñgᵛ dᵛ dᵛ, tó ò èra ò wēte pì kàte ò a bīni bò ò làka, oni táfe bonne doro ke ete'ᵛgᵛ ke be'ᵛgᵛ, n ᵛgᵛ kū ndì sí ni lago.

<sup>14</sup> Tera lán dí bà kína, lákū n be wisin odì ble nà, adi kū ò n kpe ero. A yā mé à tò o takada díkína kpàzānne de ò yā pì onne.

<sup>15</sup> Ñ wete n dizinᵛ takadanᵛ gūn ñ gwa, ĩni dᵛ dera wētepidenᵛ sã gbāna, ò wari dᵛ kinanᵛa kū būsū gbānadenᵛ. Zaa zī wētepidenᵛ yākete kè zōkᵛ. Abire yāin ò wēte pì gbòro.

<sup>16</sup> Kína, óten onne, tó ò èra ò wēte pì fùte ò èra ò a bīni bò ò làka, ĩnigᵛ póke vī Yuflati bara la doro.

<sup>17</sup> Abire gbera kína takada kpàzānne à pì: Būsū gbē zōkᵛ Reumu kū a takadakēri Simisaio kū á gbē kpara kū ò kú Samaria kū Yuflati bara direnᵛ, ma fᵛ kpàáwa.

<sup>18</sup> Takada kū a kpàzāmenne, ò a kyó kè ò bòkᵛtemenne.

<sup>19</sup> Ma pì ò wete takada zīnᵛ gūn, akū ò lè yāpuramne, wētepidenᵛ digᵛ bo kinanᵛ kpeᵛme. Zaa zī yāketedenᵛme.

<sup>20</sup> Kína zōkōnᵛ kpata blè Yurusalemu gwe, ò

gbāna blè Yuflati baradiredenᵋa ń pínki, akū ò táfe bònne kū ete'ogᵋo kū be'ogᵋo.

<sup>21</sup> À yā dite gbē pìnᵋne ò kámma bo sà. Òsun era ò wēte pì futero ari mà ń gba lé.

<sup>22</sup> À laakari ke! Àsun nigāzī kpá yā pìiaro, de yā vāni pì sún ᵋ tá à ó ásarú kero yāi.

<sup>23</sup> Kū ò kína Atasese takada pì kyó kè ò b̀kᵋte Reumune kū a takadakēri Simisaio kū ń gbē kparanᵋ, akū ò fùte ò gèe ò Yudanᵋ lè Yurusalemu g̀ᵋᵋ. Ò g̀inne pāsīpāsī ò pì ò kámma bo.

<sup>24</sup> Len ò kámma b̀ le kū Luda kpé zī kū òten ke Yurusalemuo ari Pesianᵋ kína Dariusu kíblena ẁ plade g̀n.

## 5

### *Tatenai takadakēna kína Dariusune*

<sup>1</sup> Annabi Agai kū annabi Zakari, Ido néo annabikeyā ò Yuda kū ò kú Yurusalemunᵋ kū Yudanᵋ b̀suuo kū Isarailanᵋ Luda t́o.

<sup>2</sup> Akū Sealatieli né Zerubabeli kū Yozadaka né Yesuao fùte ò nà Luda kpé bonaaa Yurusalemu. Luda annabii pìnᵋn kú kúnwo òten kpányī.

<sup>3</sup> Gwe g̀ᵋᵋ Yuflati bara la don'arede Tatenai kū Seta Bozenaio kū ń gbēᵋ sù ò ń lé ò ń lá ò pì: Dí mé à á gbá zé à kpé dí keke à boo?

<sup>4</sup> Ò gbē kū òten kpé pì bonᵋ t́ gb̀eka dᵋ.

<sup>5</sup> Ama Luda wé té Yuda gbē z̀kᵋᵋ pìnᵋi, akū odi ónne ò kámma boro. Ò pì oni légbāzā ke Dariusune g̀ia, oni takada kū ani kē a yā musu le.

<sup>6</sup> Yuflati bara la don'arede Tatenai kū Seta Bozenaio kū ń gbē Pesianᵋ takada k̀, akū ò kpàzā kína Dariusune.

<sup>7</sup> Légbāzā kū ò kènɛɛn dí, ò pì:

Kína Dariusu, o fɔ kpàmma manamana.

<sup>8</sup> Kína, òngɔ dɔ kū o ge Yudanɔ b̀usun ari Luda kū à z̀ɔkɔ kpén. Òten kpé pì bo kū gbè gbèntẽnɔ òten lí lèkete kpáte kpé p̀i gb̀inɔn. Òten z̀i p̀i ke kū laakariio àten táa o.

<sup>9</sup> O yā làla n̄ gbè z̀ɔkɔnɔa o p̀i: Dí mé à á gbá zé à kpé díkĩna keke à boo?

<sup>10</sup> O n̄ tɔ gbèka de ò le ò onne, akū o n̄ don'arede p̀inɔ tɔ dà takadan.

<sup>11</sup> Lákū ò yā wèwá n̄n dí. Ò p̀i, musu kū z̀iɛo Luda z̀ɔblerinɔme n̄ ũ. Kpé kū ò bò yā à wèè kè ò kèke òten bo dɔ. Isarailanɔ kína z̀ɔkɔ mé à bò yā.

<sup>12</sup> Ò p̀i n̄ dizinɔ Luda Musude pɔ fè, akū à n̄ ná Kaladia buri Nebukanɛza, Babilɔnu kɪnane a ɔĩ, akū à kpé p̀i ẁiwi à gbè p̀inɔ sète à tà kũn̄wo Babilɔnu.

<sup>13</sup> Ama Babilɔnu kína Sirusu kíblena wè káaku gũn à yā dìte à p̀i ò era ò Luda kpé p̀i bo dɔ.

<sup>14</sup> Bee wura kū andurufu pɔ kū Nebukanɛza sète Luda kpén zaa Yurusalemu à kàte a tãna kpén Babilɔnunɔ, kína Sirusu b̀òte à kpà Sesebaza kū à dìte b̀usu don'arede ũa.

<sup>15</sup> À p̀ine à pɔ p̀inɔ sé à gé à kàte Luda kpén zaa Yurusalemu, tó ò kpé p̀i kèke ò bò.

<sup>16</sup> Akū Sesebaza s̀u Luda kpé ã pète. Òten kpé p̀i bo zaa gɔrɔ kũa ari kū a gbārao, ama adi láka k̀oro.

<sup>17</sup> Kína, tó à kènne mana, n̄ takada wete kɪnanɔ takadakatekia zaa Babilɔnu n̄ gwa tó kína Sirusu yā dìte ò Luda kpé bo Yurusalemu. Lákū n̄ è nà, n̄ légbāzā kewere.

## 6

*Dariusu yāditena Luda kpé bona yā musu*

<sup>1</sup> Kína Dariusu yā dìte, akū ò takada pì wète takada kù ò kàte Babilonu takadakatekianɔ té.

<sup>2</sup> Akū ò bò takada kokonaaa Ekebatana wète bīniden Midiā būsun. Yā dīkina kú a gūn de òsun sāsāiro yāi:

<sup>3</sup> Kína Sirusu kíblena wè káaku gūn à yā dìte Luda kpé kù à kú Yurusalemu musu, à pì ò kpé pì bo sa'oki ũ. Ò a ē kpáte, kpé pì lei ká gāsākuru baaakō, a yàasa gāsākuru baaakō.

<sup>4</sup> Ò gbè gbèntē mèn aakō didikōa, lí lèkete mèn do, gbè gbèntē aakō, lí lèkete mèn do. Oni a fīna bo kù kínabe ɔgɔo.

<sup>5</sup> Wura kù andurufu pó kù Nebukanēza sète Luda kpén Yurusalemu à sùo Babilonunɔ sō, oni era ò gé kàte a gbèn Luda kpén Yurusalemu.

<sup>6</sup> Akū kína Dariusu légbāzā kè à pì: Tera sà Yuflati bara dire gbē zōkō Tatenai kù Seta Bozenaio kù á gbē kù ò kú Yuflati bara gwenɔ, à á zīda gá gwe.

<sup>7</sup> À Luda kpé bòrinɔ tó tēne. À tó Yuda don'arēdenɔ kù ní gbē zōkōnɔ Luda kpé pì kēke ò bo.

<sup>8</sup> Maten yā kù àsun ke Yuda gbē zōkōnɔne Luda kpé pì bonaa musu diteáre. À pó kù ò yeinɔ sète ma aruzekēkatekin gwe kù Yuflati bara dire táfe kù ò bòo, à kpámma pínki de zī pì sún ze doroyāi.

<sup>9</sup> Pó kù ò yei pínki, zūsaa, sākaro, sāne bòro kù òdi Luda Musude gbagbaoo, póblewe, wisi, sèwē, nísi, àgō kpá Yurusalemu sa'orinɔa lākū gu dìgō do nà lākū ò gbèka nà funaa sari,

10 de ò le ò sa kũ à kà Luda Musudegu oa, ò wé keamene kũ ma négōgbēno.

11 Tó gbēke yā kũ ma dìte díkĩna líte, oni ade kpé lí wo ò a páa ò péte ò a be ke tubura ũ.

12 Tó kína ke buri ke ten wete yā pì líte ke àten wete Luda kpé kũ à kú Yurusalemu pì wí, Luda kũ à tò a tó kúaa pì a kakate. Makũ Dariusu makũ mé ma yā pì dìte. Ò zĩ kea manamana.

### *Luda kpé sakēnaa*

13 Kũ kína Dariusu légbāzā pì kè le, Yuflati bara la gbē zōkō Tatenai kũ Seta Bozenaio kũ n gbēno yā pì kè kũ laakarīio.

14 Akũ Yuda gbē zōkōno kpébona ten gé are lākũ annabi Agai kũ annabi Zakari Ido néo annabikēyā ò nà. Ò kpé pì bō ò làka lākũ Isarailano Luda ò nà, lākũ Pesiano kínano Sirusu kũ Dariusuo kũ Ataseseo a yā dìte nà.

15 Ò Luda kpé làka Ada goro aakōde zĩ kína Dariusu kíblena wē suddode gūn.

16 Akũ Isarailano Luda kpé sa kè kũ ponnao, sa'orino kũ Levino kũ gbē kpara kũ ò sù kũ zìzōkeono n pínki.

17 Luda kpé sakēnaa pì yāi ò sa ò kũ zūsano mèn basoro kũ sākaronō mèn wàa do kũ sáne bōronō mèn wàa pla, akũ ò sa ò kũ blēkofinino mèn kuri awēpla Isaraila dasi lén n pínki durunna kútekebo ũ.

18 Ò sa'orino dìtedite gā kũ gāao, akũ ò Levino dìtedite gā kũ gāao do de ò zĩ ke Ludane Yurusalemu lākũ à kú Musa takada gūn nà.

19 Mō káaku goro kuri awēsiikōde zĩ, zìzō kũ ò sùu pìno Vĩnla dikpe kè.

20 Sa'orinɔ kũ Levinɔ gbà bò ní zĩdane ò gò gbāsĩ sari ní pínki, akũ ò Vĩnla sã kùtu kpàkpa zĩzɔ kũ ò sùnɔne kũ ní sa'ori dakenɔ pɔo kũ ní zĩda pɔo.

21 Isaraila zĩzɔ kũ ò sùu pìnɔ mé ò sò kũ gbě kũ ò ní zĩda kè buri pāndenɔ yābènekēnanɔa òten Dikiri Isarailanɔ Luda ki wetenɔ.

22 Akũ ò Burodi Futenasari dikpe kè kũ pɔnnao ari gɔɔ supplā. Dikiri tò ní pɔ kè nna, zaakũ à tò Asiriano kína nèsee lite ní yā musu, akũ à kpànyĩ a kpé bona zĩ gũn, Isarailanɔ Luda pi.

## 7

### *Ezera su à Yurusalemu sorukēnaa*

1-5 Yā bireno gbera Pesianɔ kína Atasese kiblegɔɔa Ezera bò Babilɔnu à sù. Sa'oriki zɔkɔ Haruna mé à Elēaza ì, Elēaza Fineasi ì, Fineasi Abisua ì, Abisua Buki ì, Buki Uzi ì, Uzi Zeraya ì, Zeraya Merayo ì, Merayo Azaria ì, Azaria Amaria ì, Amaria Aitubu ì, Aitubu Zadɔki ì, Zadɔki Salumu ì, Salumu Ilikia ì, Ilikia Azaria ì, Azaria Seraya ì, akũ Seraya Ezera pi ì.

6 Ezera bi yādanneriime, à Musa doka kũ Dikiri Isarailanɔ Luda dìte dɔ sãnsãn. Lákũ Dikiri a Luda ɔ kúa nà, kína pɔ kũ à wé kèaa kpàa pínki.

7 Kína Atasese kiblena wè supplade gũn Isaraila kenɔ sù Yurusalemu dɔ. Sa'orinɔn kú ní té kũ Levinɔ kũ lèsirinɔ kũ zédākpārinɔ kũ Luda ɔn zĩkerinɔ.

8 Ezera kà Yurusalemu kína kiblena wè supplade mɔ sɔɔrode gũn.

9 À fùte Babilɔnu mɔ káaku gɔɔ káaku zĩ, akũ à kà Yurusalemu mɔ sɔɔro gɔɔ káaku zĩ. A Luda ɔ kúa,

10 zaakū Ezera m̀̀ε kpà Dikiri doka wàaripanaaa kū a k̄enaao, de à le à a yāditenan̄o kū a dokayān̄o dada Isarailan̄ε.

*Takada kū k̄ina Atasεε kpà Ezeraa*

11 Takada kū k̄ina Atasεε kpà sa'ori Ezeraa yān dí, kū àdi Dikiri yāditenan̄o kū a dokayān̄o da Isarailan̄ε.

12 Atasεε, k̄inan̄o k̄ina mé à takada dík̄ina k̄ē Luda Musude dokadanneri sa'ori Ezεranε. Ma f̄o kp̄amma.

13 Ma yā d̄itε ma p̄i Isaraila ke sa'ori ke Levi kū à kú ma b̄usun kū à ye à gé k̄unwo Yurusalemu à gé.

14 Makū kū ma ìba gb̄ēn̄on supplan̄o mé o n gbare de ñ gé Yurusalemu kū Yudan̄o b̄usuuo p̄ínki yā gwagwa n Luda doka kū ñ k̄una musu.

15 Ñ andurufu kū wura kū makū kū ma ìban̄o o Isarailan̄o Luda kū a be kú Yurusalemu gb̄a s̄εte ñ géo

16 kū andurufuuo kū wura kū n lè Babil̄onu b̄usunwo p̄ínki kū p̄ó kū gb̄ēn̄o kū sa'orin̄o kpà ñ Luda kpé p̄ó ũ Yurusalemuo.

17 Ñ z̄usan̄o kū s̄akaron̄o kū s̄āne b̄òron̄o l̄ulu kū ɔɔ p̄iio n laakar̄iia ñ sa'op̄o kū òdi ká t̄én à t̄é kū o n Luda kpé gbagbakia Yurusalemu kū flawa gbao kū p̄óm̄ina gbao.

18 M̄ok̄n̄ kū n gb̄ēn̄o à ke kū andurufuuo kū wura kū à ḡòo l̄ákū à k̄éare mana nà, l̄ákū á Luda yei nà.

19 Ñ p̄ó kū ò n̄anne n ɔ̄i n Luda kpé donȳik̄eb̄o ũn̄o kpá Luda kū à kú Yurusalemu p̄īa.

20 Tó ñ ye Luda kpé p̄ó kparan̄oi, tó a kek̄enaa ḡò n yā ũme, ñ sé ma laasin gwe.

21 Makū kína Atasese, ma yā dìte Yuflatì bara dìre ɔɔ'uterinɔne ñ pínki. À wéke kù Luda Musude dokadanneri sa'ori Ezera kèáwa kpáa gònɔ pínki.

22 Andurufu sún de tɔn aakɔlaro. Pɔblewe sún de tɔn baraakurilaro. Sèwɛ kù nísio sún de lita wàa basɔɔɔrolaro. Wisi sɔ, lákù à yei nà lén.

23 Lákù Luda Musude dìte pínki nà, à kpá gònɔ a kpé pó ũ, de àsun pètɛ ke kù ma kíkeo ke kù ma nénɔoro.

24 Àgɔ dɔ sɔ kù á zé vī à táfe ke ete'ɔɔ ke be'ɔɔ sí Luda ɔnn pì zíkèrinɔro ke sa'orinɔ ke Levinɔ ke lèsirinɔ ke zédâkpârinɔ ke zíkèri pândeno.

25 Mɔkɔn sɔ Ezera, ñ yâkpatekerinɔ kù yâgɔgɔrinɔ dìtedite ɔndɔ kù n Luda kpàmma lén, de ɔgɔ yā keke a zéa gbɛ kù ò kù Yuflatì bara direnɔne ñ pínki. Onigɔ de gbɛ kù ò n Luda doka dɔnɔ ũ. Gbɛ kù ò dɔronɔ sɔ, ñ dadañe.

26 Gbɛ kù n Luda doka kù bùsu dokao kùna ɔplaplaro, oni yā daala, a denaa ke a bona bùsun ke a aruzeke sinaa ke a dana kpésirann yá.

27 Akù Ezera pì: Ò Dikiri ó dizinɔ Luda sáabu kpá! À laasun mana dà kínane a swèn, akù kína pì gbāna kpà a kpé kù à kù Yurusalemua le.

28 À tò ma yā kà kína kù a ìbanɔgu kù a kína gbānade dakenɔ ñ pínki. Lákù Dikiri ma Luda ɔ kúma nà, ma kùu kè gbāna, akù ma Isaraila don'aredenɔ kàkara ò gé kúmao.



**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3